

SECVNDVS.

Non dubito, quin mirere, atq; etiā stomachēre, quod tecum de eadem re agam sēpius. Hominis familiarissimi, & mihi omnibus rebus coniunctissimi permagna res agitur Attici. Cognoui ego tua studia in amicos, etiam in te amicorum. Multum potes nos apud Plancum iuuare. Noui humanitatem tuam, scio quām sis amicis iucundus. Nemo nos in hac causa plus iuuare potest, quam tu. Ee res ista est firma, ut debet esse, quam Coſſ. de consilij sententia decreuerunt, cū & lege, & S.C. cognoscerent: tamen omnia posita putamus in Planci tui liberalitate. Quem quidem arbitramur cū officijs tui, & Reip. causa decretum Coſſ. cōprobaturum, tum libenter nostra causa esse facturum. Adiuuabis igitur mi Capito. Quod ut facias, uehementer etiam atq; etiam rogo. Vale.

LIBER III. EPIST.

SER. SVLPICIVS M.T.C. S.

Famil. lib. 4. Epist. 5.

Postequam mihi renūtiatum est de obitu Tulie filiae tue, sane quām pro eo, ac debui grauius, molesteq; tuli, communemq; eam calamitatem existimui: qui si istic affuissem, neq; tibi defuisse, coramq; meū dolorem declarasse. Et si genus hoc consolationis miserum atq; acerbum est, propterea quia per quos confieri debet propinquos ac familias

L I B E R

familiares, ipsi pari molestia afficiuntur: neq; sine
lacrymis multis id conari queunt: ut magis ipsi ui-
deantur aliorum consolatione indigere, quam alijs
posse suum officiū præstare: tamē quæ in præsentia
mibi in mentē uenerunt decreui breui ad te perscri-
bere, non quòd ea te fugere existimem, sed quod for-
sit an dolore impeditus minus ea perspicias. Quid
est quod tantopere te commoueat tuus dolor inten-
stinus? Cogita quemadmodum adhuc fortuna nobis
scumegerit, ea nobis erupta esse, quæ hominibus nō
minus, quam liberi cara esse debent, patriam, hono-
ratem, dignitatē, honores omnes: hoc uno incōmo-
do addito, quid ad dolorem adiungi potuit? aut qui
non in illis rebus exercitatus animus callere iam de-
bet, atq; omnia minoris æstimare? An illius uicem
credo, doles? Quoties in eam cogitationem necessē
est, ut tu ueneris, ut nos sæpè incidimus, hisce tē, o
ribus non pessimè cum ijs esse actum, quibus sine do-
lore licitum est mortem cum uita cōmutare. Quid
aut fuit, quod illam hoc tempore ad uiuendum ma-
gnopere inuitare posset? quæ res? quæ spes? quod
animi solatium? Ut cū aliquo adolescenti primario
coniuncta ætatē ageret? Licitū est tibi (credo) pro-
tus dignitate ex hac iuuentute generum diligere,
ex ius fidei liberos tuos, te tutò cōmittere putares.
An ut ea liberos ex se pareret, quos cū florenteis
uideret, letaretur? qui rē à parente traditā per se
tenet?

TER TIVS

tenere possent? honores ordinatim in Rep. petituri
essent? in amicorum negotijs liberalitate sua uteretur
tur? Quid horum fuit, quod non prius, quā datum,
ademptum sit? At uero malum est liberos amittere:
Malum, nisi hoc peius sit, hæc sufferre, & perpeti.
Quæ res mihi non mediocrem consolationem attulit: uolo tibi cōmemorare, si forte eadem res tibi mi-
nuere dolorem possit. Ex Asia rediens cum ab Aegi-
na Megaram uersus nauigarem, cœpi regiones cir-
cum circa prospicere: post me erat Aegina, ante Me-
gara, dextra Piræus, sinistra Corinthus: quæ oppi-
da quodā tempore florentissima fuerunt, nunc pro-
strata, & diruta ante oculos iacent. Cœpi egomet
mecū sic cogitare: hem nos homunculi indignamur,
si quis nostrum interiit, aut occisus est, quorum uia-
ta brevior esse debet, cum uno loco tot oppidū ca-
dauera projecta iaceant? uis ne tu te Serui cohibe-
re & meminisse hominē te esse natum? Crede mihi,
cogitatione ea non mediocriter sum confirmatus.
Hoc idem, si tibi uidetur, fac ante oculos tibi pro-
ponas: modo uno tempore tot uiri clariss. interie-
runt: de imperio præterea tāta diminutio facta est:
omnes prouinciæ cōquassatæ sunt, in unius mulier-
culæ animula si iactura facta sit tantoperè commō-
ueris? Quæ si hoc tempore non suū diem obiisset,
paucis post annis tamen ei moriendum fuit, quoniam
homo nata fuerat. Etiā tu ab hisce rebus animū

E ad cogia

LIBER

ad cogitationem tuam auoca: atq; ea potius remini-
scere, quæ digna tua persona sunt, illam, quamdiu
ei opus fuerat, uixisse, unà cū Rep. fuisse: te patrem
suum Prætorem, Consulem, Augurem uidisse, adole-
scentibus primarijs nuptam fuisse, omnibus bonis
prope perfunctam esse, cum Respub. occideret uita
excessisse. Quid est quod tu, aut illa cum fortuna
hoc nomine queri possitis? Deniq; noli te obliuisci
Ciceronem esse, & eum, qui alijs consueueris præ-
cipere, et dare consiliū: nec imitare malos medicos,
qui in alienis morbis profitentur se tenere medici-
næscientiam, ipsi se curare non possunt: sed potius,
quæ alijs tute præcipere soles, ea tute tibi subijce,
atq; apud animum propone: N V L L V S D O L O R
E S T , Q V E M N O N L O N G I N Q V I T A S T E M P O-
R I S M I N V A T atq; molliat. Hoc te expectare tem-
pus tibi turpe est, ac non ei rei sapientia tua te oc-
currere. Quòd si quis etiam inferis sensus est, qui
illius amor in te fuit, pietasq; in omnes suos, hoc
certè illa te facere non uult. Da hoc illi mortuæ,
da ceteris amicis ac familiaribus, qui tuo dolore
mœrent: da patriæ, ut si qua in re opus sit, opera et
consilio tuo uti possit. Deniq; quoniam in eam for-
tunam deuenimus, ut etiam huic rei nobis seruien-
dum sit, noli committere, ut quisquam te putet, nō
tam filiam, quām Reip. tempora, & aliorum uictio-
riam lugere. Plura me ad te de hac re scribere pu-
dct, ne

TER TIVS

det, ne uidear prudentiae tuae diffidere. Quare si
hoc unum proposuero, finem faciam scribendi. Vi-
dimus aliquoties secundam pulcherrimè te ferre
fortunam, magnamq; ex ea re te laudem apisci: fac
aliquando intelligamus, aduersam quoque te æquè
ferre posse: neq; id maius, quam debeat, tibi onus ui-
deri, ne ex omnibus uirtutibus hæc unà tibi uia
deatur deesse. Quod ad me attinet, cum te tranquil-
liore animo esse cognouero, de ijs rebus quæ hic
geruntur, quemadmodumq; se prouincia habeat,
certiorem faciam. Vale.

M.T.C. SER. SVLPICIO S.D. 4.6.

Ego uero Serui uellem, ut scribis, in meo gra-
uissimo casu affuisse. Quantum enim præ-
sens me adiuuare potueris, & consolando, & pro-
pè æquè dolendo, facile ex eo intelligo, quod litte-
ris tuis lectis, aliquantulū acquieui. Nam & ea scri-
psisti, quæ leuare luctū possent, & in me consolan-
do, non mediocrem ipse animi dolorem adhibuisti.
Seruius tamē tuus omnibus officijs, quæ illi temporis
tribui potuerunt, declarauit, & quanti ipse me fa-
ceret, & quam suū talem erga me animum tibi gra-
tum putaret fore: cuius officia iucundiora scilicet
sæpe mihi fuerunt, nunquā tamen gratiora. Me aus-
tem non oratio tua solum et societas penè ægritudi-
nis, sed etiam auctoritas consolatur. Turpe enim
esse existimo, me non ita ferre casum meum, ut tu

E 2 tali s̄e

LIBER

ali sapientia præditus ferendum putas. Sed oppri
mor interdum, & uix resisto dolori, quòde ame so
latia deficiunt, quæ ceteris, quorum mihi exempla
propono, simili in fortuna non defuerunt. Nam &
Q. Maximus, qui filium consularem clarū uirum, &
magnis rebus gestis amisit, & L. Paullus, qui duos
septē diebus, & uester Gallus, & M. Cato, qui sum
mo ingenio, summa uirtute filium perdidit, ijs tem
poribus fuerunt, ut eorum luctum ipsorum digni
tas consolaretur ea, quam ex Rep. consequabantur:
mihi autem amissis ornamentijs ijs, quæ ipse commemo
ras, quæq; eram maximis laboribus adeptus, unū ma
nebat illud solarium, quod creptum est. Non amico
rum negotijs, non Reip. procuratione impediabantur
cogitationes meæ. Nihil in foro agere licebat:
aspicere curiam non poteram, existimabam id quod
erat, omnis me & industrie mæ fructus & for
tuñæ perdidisse. Sed cū cogitarem, hæc mihi tecum
& cū quibusdam esse communia, & cum frangerem
iam ipse me, cogeremq; illa ferre toleranter, habes
bam quo confugerem, ubi conquiescerem, cuius in
sermone, & suauitate omnis curas doloresq; dea
ponerem. Nunc autem hoc tam graui uulnere, etiā
illa, quæ cōsenuisse uidebantur, recrudescent. Non
enim, ut tum me à Rep. mœstum domus excipiebat,
quæ leuaret: sic nunc domo mœrens ad Remp. con
fugere possum, ut in eius bonis acquiescam. Itaq; et
domo

T I P T I V S.

domo absum, & foro, quod nec eum dolorem, quem
 à Rep. capio, domus iam consolari potest, nec dome-
 sticum Resp. Quo magis te expecto, teq; uidere q;
 primum cupio. Maior mihi leuatio afferri nulla po-
 test, quam coniunctio consuetudinis, sermonumq;
 nostrorum. Quanquam sperabam tuum aduentum
 (sic enim audiebam) appropinquare. Ego autem
 cum multis de caussis te exopto quim primum ui-
 dere: tum etiam ut ante commentemur inter nos,
 qua ratione nobis traducendū sit hoc tempus, quod
 est totum ad unius uoluntatem accommodandum,
 & prudentis, & liberalis, & (ut perspexisse mihi
 uideor) nec à me alieni, et tibi amicissimi. Quod cū
 ita sit, magna tamen est deliberationis, que ratio
 sit ineunda nobis non agendi aliquid, sed illius con-
 cessu, & beneficio quiescendi. Vale.

M. T. C. L. LVCCEIO Q FILIO S. D. 5.12.

Coram metecū eadem hec agere sepe conin-
 tem deteruit pudor quidā penē subrusticus,
 que nūc expromam absens audaciū. Epistola enim
 non erubescit. Ardeo cupiditate incredibili, neq;
 ut ego arbitror, reprehendenda, nomen ut nostrum
 scriptis illustretur & celebretur tuis. Quod et si
 mihi sepe ostendis te esse facturum, tamē ignoscas
 uelim huic festinationi meae. Genus enim scriptorū
 tuorum et si erat semper à me uehementer expecta-
 tum, tamen uicit opinionē meam, meq; ita uel cepit,

L I B E R

uel incendit, ut cuperē quam celerrimē res nostras
monumentis commendari tuis. Non enim me solum
commemoratio posteritatis ad spem quandam im-
mortalitatis rapit, sed etiam illa cupiditas, ut uel
auctoritate testimonij tui, uel indicio beneuolētiae,
uel suauitate ingenij uiui perfruamur. Neq; tamen
hēc cum scribebam, eram nescius, quantis oneri-
bus premerēre suscep̄tarum rerum, & iam institu-
tarū: sed quia uidebam Italici belli, & ciuilis histo-
riam iam penē à te esse perfectam: dixeras aut̄ mihi
te reliquas res ordiri: deesse mihi nolui, quin te ad-
monerem, ut cogitares coniunctē ne malles cum ce-
teris rebus nostra contexere, an, ut multi Græci fe-
cerunt, Calisthenes Troicum bellum, Timæus Pyre-
rhi, Polybius Numantinum, qui omnes à perpetuis
suis historijs ea quæ dixi bella, separauerunt, tu quo-
que item ciuilem coniurationem ab hostilibus ex-
ternisq; bellis sciungeres. Evidem ad nostram lau-
dem non multum uideo interesse, sed ad propera-
tionem meam quiddam interest, non te expectare,
dum ad locum uenias, at statim caussam illam totā,
& tempus arripere. Et simul si uno in arguento,
unaq; in persona mens tua tota uersabitur, cerno
iam animo, quanto omnia uberiora, atq; ornatiōra
futura sint. Neq; tamen ignoro, quam impudenter
faciam, qui primum tibi tantum oneris imponam
(potest enim mihi denegare occupatio tua) deinde
etiam,

TER TIVS.

etiam, ut ornes me postulem. quid si illa tibi non
tantoperē uidetur ornanda? SED TAMEN QVI
SE MEL uerecundiæ fineis transferit, eum bene, et
nauiter oportet esse impudentem. Itaq; te plane eti
am atq; etiam rogo, ut & ornes ea uehementius eti
am quam fortasse sentis, & in eo leges historiæ ne-
gligas, gratiamq; illam, de qua suauissimè quodam
in proœmio scripsisti: a qua te affici non magis po-
tuisse demonstras, quam Herculem Xenophonteiū
illum à uoluptate: ea si me tibi uehementius cōmen-
dabit, ne aspernere, amoriq; nostro plusculū etiam,
quam concedit ueritas, largiare. Quod si te addus-
cemus, ut hoc suscipias, erit (ut mihi persuadeo) ma-
teries digna facultate, & copia tua. A principio
enim coniurationis usq; ad redditum nostrum uide-
tur mihi modicum quoddam corpus confici posse:
in quo. & illa poteris uti ciuiliū commutationū
scientia, uel in explicandis cauſis rerum nouarum,
uel in remedij incommodorum, cum & repreheno-
des ea, quæ uituperanda duces, & quæ placebunt.
exponendis rationibus comprobabis. & si liberius,
ut consuesti, agēdum putabis, multorum in nos per-
fidiam, insidias, proditionem notabis. Multam etiam
casus nostri tibi uarietatem in scribendo suppedita-
bunt plenā cuiusdam uoluptatis, quæ uehementer
animos hominum in legendō scripto retinere pos-
sit. NI HIL est enim aptius ad delectationem.

L I B E R

lectoris, quam temporum uarietates, fortunęq; ui-
cissitudines: que et si nobis optabiles in experiendo
non fueruent, in legendō tamen erunt iucundæ. HA-
BET enim præteriti doloris secura recordatio dele-
stationem. Ceteris uera nulla perfunctis propria
molestia, casus alienos sine ullo dolore intuentibus,
etiam ipsa misericordia est iucunda. Quem enim
nostrum ille moriens apud Mantineam E P A M I-
N O N D A S non cum quadam miseratione delectat?
qui tum deniq; sibi aueili iubet spiculum, postea-
quam ei percontanti dictum est, clypeum esse sal-
uum: ut etiam in uulneris dolore æquo animo cum
laude moreretur. Cuius studium in legendō non ere-
ctum I hemistoclis fuga, redituq; retinetur? Etenim
ordo ipse annalium mediocriter nos retinet, quasi
enumeratione fastorum: at uiri sæpe excellentis an-
cipite; uirijq; casus habent admirationem, expecta-
tionem, lætitiam, molestiam; spem, timorem: si uero
exitu notabili concluduntur, expletur animus
iucundissime lectionis uoluptate. Quod mihi acci-
derit optatus, si in hac sententia fueris, ut à conti-
nentibus tuis scriptis, in quibus perpetuam rerum
gestarum historiā complecteris, secernas hanc qua-
si fabulam rerum euentorumq; nostrorum. Habet e-
nīm uarios actus, multasq; actiones, & consiliorum
& temporum. Ac non uereor ne assentatiuncula,
quadam aucupari tuam gratiam uidear, cum hoc
demonstrum

TERTIVS.

demonstrem, me à te potissimum ornari celebrariq; uelle. Neq; enim tu is es, qui, quid sis nescias, & qui non eos magis, qui te non admirantur, inuidos, quam eos, qui laudent assentatores arbitrere. Neq; autem ego sum ita demens, ut me sempiternæ gloriæ per eum commendari uelim, qui non ipse quoq; in me commendando propriam ingenij gloriam consequatur. Neq; enim Alexander ille gratiæ causa ab Apelie potissimum pingi, & à Lysippo fingi uolebat: sed quod illorum artem cum ipsis, tum etiam sibi gloriæ fore putabat. Atq; illi artifices corporis simulachra ignotis nota faciebant, que uel si nulla sint, nihilo sunt tamen obscuriores clari uiri. Nec minus enim est Spartiates ille Agesilaus perhibendus, qui neq; pictam neque fictam imaginem suam passus est esse, quam qui in eo genere laborarunt. Vnus enim Xenophontis libellus in eo rege laudando facile omneis imagines omnium statuasq; superauit. Atq; hoc præstantius mihi fuerit, & ad lætitiam animi, & ad memoriæ dignitatem, si in tua scripta peruenero, quam si in ceterorum, quod non in genium mihi solum suppeditatum fuerit tuum, sicut Timoleonti à Timæo, aut ab Herodoto Themistocli sedetia auctoritas clarissimi, & spectatissimi uiri, & in Rep. maximis grauißimisq; causis cogniti atq; in primis probati: ut mihi non solum præconiū, quod cū in Sigeum uenisset Alexander ab Homero

E 5 Achilli

LIBER

dixit, sed etiam graue testimonium impertitum clari hominis, magni^q; uideatur. Placet enim Hector ille mihi Næuianus, qui non tantum laudari se letatur, sed addit etiam, a laudato uiro. Quod si a te nō impetro, hoc est, si quate res impedierit (neq; enim fas esse arbitror, quicquam me rogantem abs te non impetrare) cogar fortasse facere, quod nonnulli sape reprehendunt, scribam ipse de me, multorum tamen exemplo, & clarorum uirorum. Sed quod te non fugit, hæc sunt in hoc genere uitia, et uerecundiis ipsi de se scribant, necesse est, si quid est laudandum: et prætereant, si quid forte reprehendendum est. Accedit etiam, ut minor sit fides, minor auctoritas, multi deniq; reprehendant, & dicant, uerrecundiores esse præcones ludorum Gymnicorum, qui cum ceteris coronas imposuerunt uictoribus, eorumq; nominam magna uoce pronuntiauerunt, cum ipsi ante ludorum missiōnem corona donentur, alium præconem adhibeant, ne sua uoce ipsi se uictores esse prædicent. Hæc nos uitare cupimus, et si recipis causam nostram, uitabimus. Idq; ut facias rogamus. Ac ne forte mirere, cur, cum mihi sape ostenderis te accuratissime nostrorum temporum consilia, atq; euentus literis mandaturū, a te id nūc tantopere, & tam multis uerbis petamus: illa nos cupiditas incendit, de qua initio scripsi, festinatio-
nis, quod alacres animo sumus, ut & ceteri uiuen-
tibus

TERTIVS.

tibus nobis ex libris tuis nos cognoscant, et nos mes-
ipſi uiri gloriola nostra perfruamur. His de rebus,
quid acturus sis, si tibi non est molestum, rescribas
mihi uelim. Si enim suscipis causam, conficiam com-
mentarios rerum omnium: fin autem differs me in
tempus aliud, coram tecum loquar. Tu interea non
cessabis, & ea quae habes instituta, perpolices, nosq;
diliges. Vale.

M.T.C. T.P. ATTICO. S. 8. 3.

MAximus, & miserrimiſ rebus perturbatus,
cum coram tecum mihi potestas deliberan-
di non eſſet, uti tamen tuo consilio uolui. Delibera-
tio autem omnis hæc eſt: Si Pompeius Italia cedat
(quod eum facturum eſſe ſuſpicor) quid mihi agen-
dum putes. & quoꝝ facilius conſilium dare possis,
quid in utrāq; partē mihi in mentem ueniat, expli-
cabo breui. Cum merita Pompeij ſumma erga ſalu-
tem meam, familiaritasq; quæ mihi cum eo eſt, tum
ipsa Reip. cauſa me adducit, ut mihi uel conſilium
meū cum illius cōſilio, uel fortuna coniungēda eſſe
uideatur. Accedit illud: si maneo, & illum comita-
tum optimorū, et clarissimorum ciuiū defero, cadens
dum eſt in unius potestatem. Qui etſi multis rebus
ſignificat, ſe nobis eſſe amicum, & ut eſſet, à me eſt
(tute ſcis) propter ſuſpicionem huius impendentis
tēpeſtatis multò ante prouifum: tamen utrāq; con-
ſiderandum eſt, & quanta ei fides ſit habēda, & ſi
maxime

LIBER

maxime exploratum sit, cum nobis amicum fore,
sit ne uiri fortis & boni ciuis, esse in ea urbe, in
qua cum summis honorib. imperijsq; usus sit, res ma-
ximas gesserit. sacerdotio sit amplissimo præditus,
non futurus sit sui iuris, subeundumq; periculum
sit cum aliquo forte dedecore, si quando Pompeius
Remp. recuperauerit. In hac parte hæc sunt. Vide
nunc, quæ sint in altera. Nihil actum est à Pompeio
nostro sapiēter, nihil fortiter: adde etiam nihil, ni-
si contra consilium auctoritatemq; meam. Omitto
illa uetera, quod istum in Remp. ille aluit, auxit, ar-
mauit: ille legib. per uim & contra auspicia feren-
dis auctor: ille Galliæ ulterioris adiunctor, ille ge-
ner: ille in ad optādo P. Clodio augur: ille restituē-
di mei, quam retinendi studiosior: ille prouinciæ
propagator: ille absentis in omnibus adiutor. Idem
etiam tertio Consulatu, postquam esse defensor Reip.
cœpit, contendit, ut decem Tribuni pl. ferrent, ut
absentis ratio haberetur: quod idem ipse sanxit le-
ge quadam sua, Marcoq; Marcelllo Cos. finienti pro-
uincias Gallias Kal. Martij, restitit. Sed ut hæc omit-
tam, quid fœdius; quid perturbatius hoc ab urbe
discessu siue potius turpiſſima fuga? Quæ conditio
non accipienda fuit potius, quam relinquenda pa-
tria? Malæ conditiones erant,, fateor, sed nunquid
hoc peius? At recuperabit Remp. Quādo? aut quid
ad eam spem est parati? Non ager Picenus amissus?

non

TERTIVS.

non patefactum iter ad urbem? nō pecunia omnis,
et publica, et priuata aduersario tradita? Denique
nulla caussa, nullae uires, nulla sedes, quo cōcurrant,
qui Remp. defensam uelint. Apulia delecta est in a-
nissima pars Italie, et ab impetu huius belli remo-
tissima: fuga et maritima opportunitas uisa queri
desperatione. Inuite cepi Capuam, non quo munus
illud defugerem, sed sine caussa, in qua nullus esset
ordinum, nullus apertus priuatorum dolor: tonos
rum autem esset aliquis sed hebes, ut solet, et, ut
ipse sensisse, multitudo et infimus quisque; propen-
sus in alteram partem. Multi mutationis rerum cu-
pidi. Dixi ipsi, menihil suscepturum sine præsi-
dio, et sine pecunia. Itaque; habuit nihil omnino ne-
gotij, quod ab initio uidi, nihil queri præter fugam.
eam si nunc sequor, quonam? cum illo non ad quem
cum essem profectus, cognoui in ijs locis esse Cæsa-
rem, ut tutò Luceriam uenire non possem. Infero
mari nobis incerto cursu hieme maxima nauigani-
dum est. Age iam, cum fratre, an sine? cum filio; an
quomodo? In utraque; enim re summa difficultas erit,
summus animi dolor. Qui autem impetus illius erit
in nos absentes, fortunasque; nostras acrior quam in
ceterorum, quod putabit fortasse in nobis uiolano-
dis aliquid se habere populare. Age iam, has com-
pedes fasces inquam hos lauratos, efferre ex Ita-
lia quam molestum est? Qui autem locus erit nobis
tutus,

LIBER

tutus, ut iam placatis utamur fluctibus, antequam
ad illum uenerimus? Quia autem, aut quo, nihil sci-
mus. At si restitero, et fuerit nobis in hac parte lo-
cus, idem fecero, quod in Cinnæ dominatione, Phi-
lippus, quod L. Flaccus, quod Q. Mucius, quoquo-
modo ea res huic quidem cecidit: qui tamen ita di-
cere solebat, se id fore uidere, quod factum est: sed
hoc malle, quam armatum ad patriæ mœnia accede-
re. Aliter Thrasibulus, et fortasse melius: sed est
certa quædā illa Mucij ratio, atq; sententia: est illa
etiam Philippi. Et cum sit necesse seruire tempori,
et non amittere tempus, cum sit datum sed in hoc
ipso habent tamen ijdem fasces molestiam. Sit enim
nobis amicus, quod incertū est: sed sit, deferet tri-
umphum. non accipere ne pericolosum sit, an acci-
pere inuidiosum ad bonos? Orem, inquis, difficilem,
et inexplicabilem. atqui explicanda est. Qui enim
fieri potest? ac ne me existimares ad manendū esse
propensiorem, quod plura in ea parte uerba fece-
rim: potest fieri quod sit in multis questionibus, ut
res uerbosior hæc fuerit, illa uerior. Quamobrem
ut maxima de re æquo animo deliberanti, ita mibi
des consilium uelim. Nauis et in Caieta est parata
nobis, et Brundisij. Sed ecce nuntij scribete me hæc
ipsa noctu in Caleno, ecce litteræ, Cæsarem ad Cor-
finium, Domitium Corfinij cum firmo exercitu, et
pugnare cupiente. Nō puto etiam hoc Cn. nostrum
commissus

TERTIV S.

commissurum, ut Domitium relinquat: et si Brundisium Scipionem cum cohortibus duabus præmisserat, legionem à Fausto conscriptam in Siciliam sibi placere à Coss. duci, scripserat ad Coss. Sed turpe Domitium erit deserere implorantem eius auxilium. est quædam spes mihi quidem non magna, sed in his locis firma: Afraniū in Pyreneo cum Trebonio pugnasse, pulsum Trebonium: etiam Fabium tuum transisse cum cohortibus. Summum autem, Afraniū cum magnis copijs aduentare. Id si est, in Italia fortasse manebitur. Ego autem, cum esset incertum iter Cæsarīs, quod uel ad Capuam, uel ad Lucceriam iturus putabatur, Leptam ad Pompeiū misi & litteras. Ipse ne quo inciderem, reuerti Formias. Hæc te scire uolui, scripsiq; sedatiore animo, quam proximè scripseram, nullum meum iudicium interponens, sed exquirens tuum. Vale.

CIC. DOLABELLAE COS. S.D. 9.14.

Etsi contētus eram mi Dolabella tua gloria, satisq; ex ea magnam lētitiam, uoluptatemq; capiebam: tamen non possum nō confiteri, cumulari me maximo gaudio, quod uulgo hominum opinio socium me adscribat tuis laudibus. Neminem conueni (conuenio autem quotidie plurimos: sunt enim permulti optimi uiri, qui ualetudinis caussa in hæc loca conueniāt, præterea ex municipijs frequentes accessarij mei) quin omnes, cum te summis laudibus ag-

L I B E R

bus ad cælum extulerunt, mihi continuo maximas
gratias agant. Negant enim se dubitare, quin tu me
is præceptis & cōsilijs obtemperans, præstantissi-
mum te ciuem, & singularem Cos. præbeas. Quibus
ego, quanquam uerissimè possum respondere, te,
quæ facias, tuo iudicio & tua sponte facere, nec
cuiusquam egere consilio: tamen neq; planè assen-
tior, ne imminuam laudem tuam, si omnis à meis con-
silijs profecta uideatur: neq; ualde nego. Sum enim
auidior, etiam quam satis est, gloriæ: est tamen non
alienum à dignitate tua, quod ipsi Agamemnonire
gi regum fuit honestum habere aliquem in consilijs
capiundis Nestorem mihi uero glriosum, te iuuem
nem Cos. florere laudibus, quasi aluminum disciplis
uæ meæ. L. quidem Cæsar, cū ad eum ægrotum Nea-
polim uenisset, quanquā erat oppressus totius cor-
poris doloribus, tamen ante quam me planè saluta-
uit, O mi Cicero, inquit, gratulor tibi, cum tantum
ualeas apud Dolabellam, quantum si ego apud so-
roris filium ualerem, iam salui esse possemus. Dola-
bellæ uero tuo & gratulor, & gratias ago: quem
quidem post te Cōsulem, solum possumus uerè Con-
sulem dicere. Deinde multa de facto, ac de re gesta,
tum nihil magnificentius, nihil præclarius actum
unquam, nihil Reip. salutarius: atq; hæc una uox o-
mnium est. A te autem peto, ut me hanc, quasi fal-
sam hæreditatem alienæ gloriæ sinas cernere, meq;
aliquis

TER TIVS.

aliqua ex parte in societatem tuarum laudum tene
re patiare. Quanquam mi Dolabella (hæc enim io-
catus sum) libentius omnis meas, si modo sunt alia
quæ meæ laudes, ad te transfuderim, quam aliquam
partem exhauserim ex tuis: nam cum te semper tan-
tum dilexerim, quantum tu intelligere potuisti,
tum his tuis factis sic incësus sum, ut nihil unquam
in amore fuerit ardenter. Nihil est enim (mibi cre-
de) uirtute formosius, nihil pulchrius, nihil amabi-
lius. Semper amavi, ut scis Brutū, propter eius sum-
mum ingenium, suauissimos mores, singularem pro-
bitatem atq; constantiam: tamen idib. Mart. tantum
accessit ad amorem, ut mirarer, locum fuisse augen-
di in eo, quod mihi iam pridem cumulatum etiam us-
debatur. Quis erat qui putaret ad eum amorem
quæ erga te habebam, posse aliquid accedere? Tan-
tum accessit, ut mihi nunc deniq; amare uidear, ana-
tea dilexisse. Quare quid est, quod ego te horter,
ut dignitati & gloriæ seruias? Proponam tibi cla-
ros uiros, quod facere solent, qui hortantur? Nem-
nem habeo clariorem, quæ te ipsum: te imitare opor-
tet, tecum ipse certes: nec licet quidem tibi iam tan-
tis rebus gestis, non tui similem esse. Quod cum ita
sit, hortatio non est necessaria, gratulatione magis
utendum est. Contigit enim tibi quod haud scio, an
nemini, ut summa seueritas animaduersioris nō mo-
do non inuidiosa, sed etiam popularis esset, et cum

E bonis

L I B E R

Bonis omnibus, tum insimo cuiq; gratissima. Hoc si
tibi fortuna quadam contigisset, gratularer felici-
tati tuæ: sed contigit magnitudine tum animi, tum
etiam ingenij, atq; consilij. Legi enim concionem tu-
am nibil illa sapientius: ita pedentim tum acces-
sus à te ad caussam facili, tum recessus, ut res ipsa
maturitatem tibi animaduertendi omnium consen-
su daret. Liberasti igitur & urbem periculo, & ci-
uitatem metu. Neq; solum ad tempus maximam uti-
litatem attulisti, sed etiam ad exemplum. Quo fa-
cto intelligere debes, in te positam esse Remp. ti-
biq; non modò tuendos, sed etiam ornandos illos ui-
ros, à quibus initium libertatis profectum est. Sed
his de rebus coram plura propediem, ut spero. tu
quando Remp. nosq; conseruas, fac ut diligentissi-
me te ipsum, mi Dolabella, custodias. Vale.

M. T. CICERO BRVTO S. 3.

Nostrae res meliori loco videbantur. Scripta
enim ad te certò scio, quæ gesta sunt. qua-
leis tibi saepe scripsi Consules, tales extiterunt. Cæ-
sar is uero pueri mirifica in doles uirtutis: utinam
tam facile cum florentem & honoribus, & gratia
regerè, ac tenere possumus, quam facile adhuc te-
nuimus. Est omnino illud difficilius, sed tamen non
diffidimus. Persuasum est enim adolescenti & ma-
xime per me, eius opera nos esse saluos, et certè nisi
is Antonium ab urbe auertisset, perirent omnia.

Triduo

TER TIVS.

Triduo uero, aut quatriduo ante hanc rem pulcher
rimam, timore quodam perculsa ciuitas tota ad te
se cum coniugibus, & liberis effundebat: eadem re
creata a.d. XII. Kal. Maij, te huc uenire, quam se ad
te ire malebat: quo quidem die magnorum meorum
laborum multarumq; uigiliarum fructum cepi ma-
ximum, si modò est aliquis fructus ex solida ueraq;
gloria. Nam tantæ multitudinis, quantâ capit urbs
nostra concursus est ad me factus. ea cum usque in
Capitolium deductus, maximo clamore atq; plausu
in rostris collocatus sum. Nihil est in me inane: ne-
que enim debet: sed tamen omnium ordinum con-
sensus, gratiarum actio, gratulatioq; me cōmouet:
propterea, quod popularē me esse in populi salute,
præclarum est. Sed haec te malo ab alijs audire. Me
uelim de tuis rebus consilijsq; facias diligentissime
certiorem: illudq; consideres, ne tua liberalitas dis-
solutior uideatur. Sic sentit Senatus, sic populus R.
nullos unquam hostes digniores omni supplicio fu-
isse, quam eos ciueis, qui hoc bello contra patriam
arma ceperunt: quos quidem ego omnibus sententijs
ulciscor, & persequor, omnibus bonis approbanti-
bus. Tuquid de hac resentias, tui iudicij est. Ego
sic sentio, trium fratrum unā & eandem esse caus-
am. Consules duos, bonos quidem, sed duntaxat bo-
nos amissimus. Hirtius quidem in ipsa uictoria occi-
dit, cum paucis diebus magno prælio ante uicisset.

L I B E R

Nam Pansa fugerat uulneribus acceptis, quæ ferre non potuit. Reliquias hostium Brutus persequitur, & Cæsar. Hostes autem omnes iudicati, qui M. Antonij sectam secuti sunt. Itaq; id Senatus consultum pleriq; interpretantur etiam ad tuos, siue captiuos, siue dedititios pertinere. Evidem nihil disserui durius, cum nominatim de C. Antonio decernearem, quod ita statueram a te cognoscere caussam eius Senatum oportere. X. Kal. Maij.

M. BRVTVS M. T. CICERONI S.P.D. 4.

Quanta sim lætitia affectus, cognitis rebus Bruti nostri, & Consulum, facilius est tibi existimare, quam mihi scribere: cum alia laudo & gaudeo accidisse, tum quod Bruti eruptio non solum ipsi salutaris fuit, sed etiam maximo ad uictoriā adiumento. Quòd scribis, trium Antoniorum unam atq; eandem caussam esse, quid ego sentiam mei iudicij esse, statuo nihil: nisi hoc, Senatus, aut P. Ro. iudicium esse de ijs ciimibus, qui pugnantes non interierint. At hoc ipsum, inquies, inique facis, qui hostilis animi in Remp. homines, ciues appelles: immò iustissime Quod enim nondum Senatus censuit, nec populus R. iussit, id arroganter non præiudico, neq; reuoco ad arbitrium meum. Illud quidem non muto, quòd ei, quem me occidere res non cœgit, neq; crudeliter quicquā eripui, neq; dissolutè quicquam remisi, habuiq; in mea potestate, quòd ad bellum fuit.

TERTIVS.

Ium fuit. multo quidem honestius iudico, magisq;
quod concedere possit Resp. miserorum fortunam
non insectari, quā infinita tribuere potentibus, quae
cupiditatem & arrogantiā incendere possint. Quae
in re, Cicero uir optime, ac fortissime, mīhiq; meri-
tō & meo nomine & Reip. carissime, nimis crede-
re uideris spēi tue, statimq; ut quisq; aliquid recte
fecerit, omnia dare ac permettere, quasi non licet
traduci ad mala consilia corruptum largitionibus
animum. Quæ tua est humanitas, æquo animo fe-
neri patieris, præsertim de communi salute: facies
tamen quod tibi uisum fuerit: etiam ego, cum me do-
cueris. Nunc Cicero, nunc agendum est, ne frustrè
oppressum esse Antonium gauisi simus: neu semper
primi cuiusq; mali excidendi caussa sit, ut aliud re-
nascatur illo peius. Nihil iam neq; opinantibus, aue-
patientibus nobis aduersi cuenire potest: in quo nō
cum omnium culpa, tum præcipue tua futura sit,
cuius tantam auctoritatem Senatus ac populus Ro.,
non solum esse patitur, sed etiam cupit, quanta ma-
xima in libera ciuitate unius esse potest: quam tu
non solum benè sentiendo, sed etiam prudenter tue-
ri debes. Prudentia porrò, quæ tibi superest, nulla
abs te desideratur, nisi modus in tribuendis honori-
bus. Alia omnia sic abunde adsunt, ut cum quolibet
antiquorum comparari possint tuæ uirtutes. Vnum
hoc grato animo, liberaliq; profectū, cautiorem as-

L I B E R

moderatiorem liberalitatem desiderat. Nihil enim
Senatus cuiquam dare debet, quod male cogitanti=bus exemplo, aut præsidio sit. Itaq; timeo de Consulatu, ne Cæsar tuis altius se ascendisse putet de cæretis tuis, quam inde si Consul factus sit, descensurum. Quòd si Antonius ab alio relictum regni instrumentum occasionem regnandi habuit, quo nam animo fore putas, si quis auctore non tyranno interfecto, sed ipso Senatu putat se imperia quælibet concupiscere posse? Quare tum & facilitatem, et prouidentiam laudabo tuam, cum exploratum habere cepero, Cæsarem honoribus, quos acceperit, extraordinarijs fore contentum. Alienæ igitur, inquies, culpæ me reum facies? prorsus alienæ, si pruideri potuit, ne existeret. quod utinam inspectare possis timorem de illo meum. His litteris scriptis, te Consulem factum audiuimus. Tum uero incipiam proponere mihi Remp. iustum, & iam suis nitentē viribus, si istuc uidero. Filius ualet, & in Macedoniā cū equitatu præmissus est. Id. Mart. ex castris

TULL. & CIC. TIRONI SVO S.P.D. 16.9.

Nos à te ut scis, discessimus a.d. quartum Novas Nouemb. Leucadem uenimus ad octauum Idus Nouemb. a.d. septimum Aclium. ibi propter tempestatem ad sextū Idus morati sumus. Inde a. d. quintum Idus Corcyram bellissimè nauigauimus; Corcyrae fuimus usq; ad XVL Kal. Decemb. tempes

TERTIVS.

tempestatibus retenti. a. d. XV. Kal. à portu Corcyraeorum ad Cassiopen stadia c x x. processimus. Ibiretenti uentis sumus usq; ad IX Kal. Interea qui cupidè profecti sunt, multi naufragia fecerunt: nos eo die cœnati soluimus. Inde austro lenissimo, cælo sereno, nocte illa, & die postero in Italiam ad Hydruntēm ludibundi peruenimus: eodemq; uento postridie, (id erat a d. VII. Kal. Decemb.) hora quartæ Brundisium uenimus: eodemq; tempore simul nobiscum in oppidum introiit Terentia, quæ te facit plurimi. A. d. quintum Kal. Decemb. seruus Cn. Plançij Brundisij tandem aliquando mihi à te expectatissimus litteras reddidit, datas Idib. Nouemb. quæ me molestia ualde leuarunt: utinā omnino liberasent. Sed tamen Asclapo medicus planè confirmat propediem te ualentem fore. Nunc quidem ego te hortor, ut omnem diligentiam adhibeas ad conualescendum: tuam prudentiam, temperatiām, amorem erga me noui. Scio te omnia facturum, ut nobiscum quām primum sis. Sed tamen ita uelim, ut ne quid properes. Symphoniam Lysonis uelim uitasses, ne in quartam hebdomadam incideres. sed quando pudori tuo maluisti obsequi, quām ualetudini, reliqua cura. Curio misi, ut medico honos haberetur, & tibi daret, quod opus esset: me cui iussisset, curaturum. equum & mulum Brundisij tibi reliqui. Romæ uereor ne ex Kal. Ianuar. magni tumultus sint. Nos

L I B E R

agamus omnia modice. Reliquum est, ut te hoc ro-
gem, & à te petam, ne temere nauiges. Solent nau-
te festinare questus sui caussa. Cautus sis mi Tiro.
Mare magnum & difficile tibi restat. Si poteris cū
Meschinio (cautē is solet nauigare) si minus, cum ho-
nesto aliquo homine, cuius auctoritate nauicularia
us moueatur. In hoc omnem diligentiam si adhibue-
ris, teq; nobis incolumen præstiteris, omnia à
te habebo. Etiam atq; etiam noster Tiro
uale. Medico, Curio, Lysoni de
te scripsi diligentissime.
Vale, Salve.

FINIS.

18366

He
use
tro,
an
calis
dith
44

Feb, 1, 30